

Naalakkersuisut Inatsisartut Suleriaasianni § 33 naapertorlugu matumuuna aalajangiiffigisassatut siunnersuut manna saqqummiuppaat:

**Uunga siunnersuut: Naatsorsuuserinnermut inatsisip allanngortinneqarneranik inatsisini assigiinngitsuni aalajangersakkat aalajangersimasut atuutilernissaat pillugu Kalaallit Nunaannut peqqussummut Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut**

(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

**Tunngavilersuut**

Aalajangiiffigisassatut siunnersuut una danskit kalaallillu suleqatigiissitaliaata inassuteqaataanik malitseqartitsineruvoq, suleqatigiissitaliaq Kalaallit Nunaanni inuussutissarsiornikkut ineriartortitsinermi niuernikkullu aningaasaliisarnernik siuarsaanissamut siunnersuuteqartussatut 2013imi pilersinneqarpoq, Suleqatigiissitaliaq 2015imi nalunaarusiamik tunniussivoq.

Nalunaarusiami ilaatigut inuussutissarsiornermut tunngasut inatsisit ingerlaavartumik nutarterneqartarnissaat pisariaqartoq tikkuarneqarpoq, suliassaqarfinni arlalinni pingaartuni suli danskit oqartussaaffigisaanniittut amerlasuutigullu aamma EU-mi inatsisiliornermit aallaaveqartarlutik. Naalagaaffeqatigiinnerup iluani malittarisassat assigiit inuussutissarsiornermi, ingerlatseqatigiiffinni aamma naatsorsuuserinnermi allaffissornikkut suliffeqarfinnut danskiusunut, nunani allamiusunut kalaallinullu atugassarititaasutigut oqinnerulersitsissapput. Kalaallit Nunaata nunanit allaniit aningaasaleerusussinnaasunik soqutiginnilersitsisinnanera eqqarsaatigalugu suleqatigiissitap ingerlaqqilluni nalilerpaa annertuumik pingaaruteqartoq Kalaallit Nunaanni inuussutissarsiornermut inatsisit akimut ersittuullutillu ullutsinnut naleqquttuunissaat.

Inatsisini assigiinngitsuni aalajangersakkanik allannguilluni atortuulersitsineq naatsorsuusiortarnermut inatsimmik allannguinnikkut inuussutissarsiornermi inatsisinik malinnaatitsinerup ilagiinnarpaa. Naatsorsuusiortarnermut inatsisip saniatigut malinnaatitsineq pineqartooq aamma ingerlatseqatigiiffinnut piginneqatigiiffinnullu inatsisinik kiisalu aningaasaateqarfinnut inuussutissarsiornermik siunertaqartunut inatsimmik, ukiumoortumik naatsorsuusiortarnermut inatsimmik aamma kukkundersiuisunut naalagaaffimmit akuerineqartunut aamma kukkundersiuisunut nalunaarsukkanut inatsimmik atortuulersitsinerit pineqarput.

Inuussutissarsiutinut inatsisinik ullutsinnut malinnaatitsinermi alloriarnertut siullertut Inatsisartut UPA 2016-imi aalajangiiffigisassatut siunnersuutit marluk Kalaallit Nunaannut atortuulersitsinermut tunngasut ingerlatseqatigiiffinnut inatsimmut aamma inuussutissarsiutinik ingerlatsisutut aningaasaateqarfinnut inatsit akuersissutigaa.

Alloriarneq tullegg tassaaq naatsorsuuserinermit inatsisip aamma ukiumoortumik naatsorsuusiortarnermut inatsisip kiisalu CVR-imik atuinermit inatsisip malinnaatinnissaat. Siunnersuut taamaasilluni inuussutissarsiornermit inatsisinik ataatsimut nutarterinerup ilagaa.

### **Tunuliaqutaa**

Kunngip peqqussutaatigut siunertarineqarpoq naatsorsuuserinermit inatsisip Kalaallit Nunaannut atuutsilernissaa pillugu kunngip peqqussutaa nr. 624, 23. juni 2008-meersup atuuttup nutarsarneqarnissaa, taamaalilluni naatsorsuuserinermit inatsimmi allannguutit inatsisit makku nassatarisaat Kalaallit Nunaanni pissutsinit malitsigisaasunik allannguutit ilanngullugit peqqussummi tamakkiisumik imaluunniit ilaannakortumik ilanngussorneqassallutik:

- Kukkundersiuisartut aamma kukkundersiuisinermit suliffiit akuersissutaasut pillugit Inatsit nr. 468, 17. juni 2008-meersoq (kukkundersiuisartunut inatsit).
- Pinngitsuugassaannngitsutut digitalimik attaveqatigiinneq il.il. pillugit inatsisini aalajangersakkat assigiinngitsut allanngortinneri pillugit Inatsit nr. 1231, 18. december 2012-imeersoq. (Suliassaqarfiusut nuunnerisa il.il. nassatarisaannik pinngitsuugassaannngitsutut digitalimik attaveqatigiinneq aamma naleqqussaanerit).
- Naatsorsuuserinermit inatsisip allanngortinnera pillugu Inatsit nr. 55, 27. januar 2015-imeersoq. (Naatsorsuutinut atortuutinik toqqortaqarnerit il.il.).

Malittarisassat nutaat ilaatigut makkuninnga imaqarput:

Danskir Erhvervsstyrelsiannut malittarisassiorsinnaanermut pisinnaatitsissut, allakkatigut attaveqartarnerup atsiugaqartarnerullu naatsorsuusiortarnermi inatsimmi ilaasup ingerlanneqartassasooq digitaliusumik suliffeqarfiit pisortallu akornanni.

Naatsorsuutiniq toqqortaqartarnermut malittarisassanik sakkukillisisineq, naatsorsuusiortarnermut inatsimmi § 12. Naatsorsuutit pigisat elektroniskiusumik toqqortarineqartut nutaatut nunani allani toqqortarineqarsinnaapput siumoortumik pisortanut qinnuteqaqqaanngikkaluarluni.

Pisortatut oqartussaasut naatsorsuutini atortuutiniq takunnissinnaanerit pillugu allannguutit, naatsorsuusiortarnermut inatsimmi § 15. Pisortatut oqartussaasut naatsorsuutiniq tunngasumik atortuutiniq takunnissinnaassapput, tamanna inatsisini allani piumasaqaataappat. Nalinginnaasumik tassaasarput pisortani oqartussaasut nakkutilliinernik imaluunniit misissueqqissaarnernik suliaqartut.

Danskit Erhvervsstyrelse-ata naatsorsuutiniq atortuutiniq piumasinnaanerit atillugu erseqqissaaneq. Naatsorsuusiortarnermut inatsimmi aalajangersakkamik erseqqissaataasumik § 15-itut ikkussisoqarpoq, Danskit Erhvervsstyrelse-ata naatsorsuutiniq paasissutissat pisariaqartut tamatigut piniarsinnaagai, nakkutilliinernut misissuinernullu atillugu.

Peqqussutip Kalaallit Nunaannut atortuulernissaa ikaarsaariarnermilu aalajangersakkat il.il. peqqussutissami siunnersuutigineqarpoq peqqussutissap atortuulernissaa kiisalu piffissamut ikaarsaariarfiusumut aalajangersagaasinnaasut nalunaarusiornikkut pissasut Namminersorlutik Oqartussat peqataatereerlugit.

### **Aningaasaqarnikkut Namminersorlutik Oqartussanut kingunerisassai**

Siunnersuut Namminersorlutik Oqartussanut kommuninulluunniit aningaasarsiornikkut allaffissornikkulluunniit sunniuteqassasoq naatsorsuutigineqanngilaq

### **Inuussutissarsiortunut il. il. aningaasaqarnikkut allaffissornikkullu kingunerisassai**

Peqqussutissaq Kalaallit Nunaannut aalajangersakkat assigiinngitsut inatsisini assigiinngitsuni naatsorsuusiortarnermut inatsimmi allannguinerit allaffissornikkut inuussutissarsiortunut oqilisaassissaaq, aningaasaliisussarsiortarnermillu oqinnerulersitsissalluni.

### **Tusarniaaneq**

Siunnersuut ulloq 22. juni illu'atungeriinnut attuumassuteqartunut amerlasuunut siusinaartumik tusarniaassutigalugu nassiunneqarpoq. Siunertarineqarpoq illua'tungeriit siunnersuummut siusissukkat paasitinneqarnissaat sunniuteqarsinnaanissaanullu periarfissinniarlugit. Siunnersuut Aningaasaqarnermut Naalakkersuisoqarfimmut/Akilerartarnermut Aqutsisoqarfimmut, Aatsitassanut Ikummatissanullu Naalakkersuisoqarfimmut, Sulisitsisunut (GE), NUSUKA, Royal Arctic Line A/S, Brugseni. PISIFFIK A/S, TelePost, GrønlandsBanken, Polar Seafood A/S, Royal Greenland A/S, KNI A/S, Grønlandske Advokater, Greenland Business/Venture, Deloitte Greenland, BDO, EY Nuuk Grønlands Revisionskontor, A-Revision aamma Bank Nordik.

Siunnersuullu aamma tusarniaasarnermut nittartakkami 2016-imi 11. juli-miit 1. august-imut allagarsiissutaasimavoq.

Ukua tusarniaassutigineqartunut akissuteqarput: Greenland Business/Venture, Grønlands Banken, Sulisitsisut (GE), Aatsitassanut Ikummatissanullu Naalackersuisoqarfik, Akileraartarnermut Aqutsisoqarfik/Aningaasaqarnermut Naalackersuisoqarfik aamma Digitalimik Sullissinermut Aqutsisoqarfik, tusarniaanermi akissutit tamarmik siunnersuummut isumaqataapput.

### **Inassuteqaat**

Naalackersuisut inassutigissavaat Namminersorlutik Oqartussat akuersissutigissagaat Kalaallit Nunaannut peqqussutissaq, naatsorsuutininik allattuinermit inatsimmi allannguutit pillugit inatsisini assigiinngitsuni atortuulersitsineq